

ՀՀ Պ Ա Շ Տ Պ Ա Ն ՈՒ Թ Յ Ա Ն Ն Ա Խ Ա Ր Ա Ր ՈՒ Թ Յ ՈՒ Ն

Պ Ա Տ Վ Ի Ր Ա Տ ՈՒ Ի Ղ Ե Կ Ա Վ Ա Ր Ի

Ո Ր Ո Շ ՈՒ Մ N 95

ք. Երևան

11.12.2023թ.

ՀՀ պաշտպանության նախարարության կարիքների համար դեղորայքի, լաբորատոր ազդանյութերի, պարագաների ձեռքբերման նպատակով կազմակերպված «ՀՀ ՊՆ-ԳՀԱՊՁԲ-23-9/56» ծածկագրով գնման ընթացակարգին (այսուհետ՝ Ընթացակարգ) ի թիվս այլ մասնակիցների մասնակցության հայտ էր ներկայացրել նաև «Թեոֆարմա Իմպորտ» ՍՊԸ-ն /ՀՎՀՀ՝ 00471216, գործունեության հասցե՝ ՀՀ Արմավիրի մարզ, Փարաքար համայնք, գ.Թաիրով, Դեմիրճյան թղմ, 1փ, 22/1/(այսուհետ՝ Մասնակից):

Ուսումնասիրելով «ՀՀ ՊՆ-ԳՀԱՊՁԲ-23-9/56» ծածկագրով գնանշման հարցման ընթացակարգի շրջանակներում ընտրված մասնակիցների կողմից ներկայացված գնաձեռքբերման պայմանագրերի նախագծերը, գնահատող հանձնաժողովն արձանագրել էր, որ «Թեոֆարմա Իմպորտ» ՍՊԸ-ի կողմից ներկայացված գնաձեռքբերման ընտրված բոլոր մասնակիցների կողմից առաջարկվել էին Հայաստանի Հանրապետության գրանցված դեղերի պետական գրանցամատյանում /ռեեստրում/ գրանցված դեղեր, բացառությամբ «Թեոֆարմա Իմպորտ» ՍՊԸ-ի, որի կողմից 22-րդ չափաբաժնի (ասկորբինաթթու ascorbic acid) մասով առաջարկվել էր ՀՀ չգրանցված դեղ: Ուստի, հրավերով սահմանված կարգով, մասնակիցը պայմանագրի նախագիծը ներկայացնելուց, որակավորման ապահովման հետ միաժամանակ պետք է ներկայացներ պահանջվող տեղեկանք՝ չգրանցված դեղի մասով:

Սակայն «Թեոֆարմա Իմպորտ» ՍՊԸ-ի կողմից գրությամբ ներկայացվել էր ՀՀ առողջապահության նախարարության «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» փակ բաժնետիրական ընկերության կողմից «Թեոֆարմա Իմպորտ» ՍՊԸ-ին ուղղված գրությունը, որում նշվում էր, որ վերոնշյալ արտադրանքը գրանցված է ԵԱՏՄ միասնական գրանցամատյանում որպես կենսաբանական ակտիվ հավելում:

Հիմք ընդունելով վերոգրյալը, 24.11.2023թ. կայացած նիստում գնահատող հանձնաժողովը ընտրված մասնակիցների առաջարկները գնահատել էր բավարար՝ հրավերի պահանջներին համապատասխան, բացառությամբ «Թեոֆարմա Իմպորտ» ՍՊԸ-ի առաջարկի, որի մասով գնահատող հանձնաժողովը որոշել էր կասեցնել նիստը՝ «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» փակ բաժնետիրական ընկերությանը կառուցվածքային ստորաբաժանման կողմից լրացուցիչ հարցում կատարելու նպատակով:

30.11.2023թ.-ի կայացած նիստում գնահատող հանձնաժողովը ուսումնասիրեց «Ակադեմիկոս Էմիլ Գաբրիելյանի անվան դեղերի և բժշկական տեխնոլոգիաների փորձագիտական կենտրոն» փակ բաժնետիրական ընկերության հարցմանն ի պատասխան ստացված գրությունը, որով փաստում էր, որ վերոնշյալ արտադրանքը ձևավորված և ներառված է ԵԱՏՄ միասնական գրանցամատյանում որպես կենսաբանական ակտիվ հավելում, իսկ կենսաբանական ակտիվ հավելումները չեն հանդիսանում դեղեր, ուստի չեն կարող կիրառվել բուժական նպատակով: Վերոգրյալով պայմանավորված գնահատող հանձնաժողովը որոշեց մերժել «Թեոֆարմա Իմպորտ» ՍՊԸ-ի առաջարկը 22-րդ չափաբաժնի մասով:

Ելնելով վերոգրյալից և հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» պարբերությունը՝ որոշում եմ «Թեոֆարմա Իմպորտ» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում:

Կ. ԲՐՈՒՏՅԱՆ